

Maid mearkkaša ahkerádji?

A

Lobálaš buohkaide

Filmmain mat leat lobálaččat buohkaide galgá leat vuollegis jietna ja čuozahusgeavaheapmi. Dain eai galgga leat balddihahtti scenat, muhto filmmain sáhttet aŋkke leat muhtin issoras elemeanttat dahje čuozahusat jus dat leat oanehaččat ja dáhpáhuvvat oadjebas rámmaid siskkobealde.

6

6-jagirádji

Filmmain mat ožžot 6-jagiráji sáhttet leat eaŋkils scenat mat leat veahá seavdnjadat dahje várálaččat, dahje scenat main lea dramáhtalaš jietna ja effeaktageavaheapmi. Oanehis balddihahtti elemeanttat leat lobálaččat «buori soaigima» rámma siskkobealde, ja veahkaváldedáhpáhusat jus leat čielgasit leaikat ja badjelmearálaččat ("slapstick"). Váttis ja bávččagahtti fáttát leat lobálaččat, jus leat vuollegaš láhkái ovdanbukton ja heivehuvvon ahkejoavkku mánáide.

9

9-jagirádji

Filmmat mat leat oanehis ja veahkaváldedáhpáhusaid eaige nu goalus veahkaváldedáhpáhusat, sáhttet oažžut 9-jagiráji. Dát guoská maiddái filmmaide main leat oasis main lea sevdnjes dahje dorvvuhis miellalahki. Balddihahtti hámat ja várálaš dilálašvuodát sáhttet gávdnot filmmain main lea 9-jagirádji. Seamma sáhttet scenat main leat lihkohisvuodát, čuohpáhusat, jápmimat mat eai leat nu dramáhtalaččat dahje veahá stáđismeahttun rávis olbmot dahje eahpedorvvolaš bearašoktavuodát.

12

12-jagirádji

Filmmain main lea 12-jagirádji sáhttet leat veahá issoras fáttát čadnon «rávisolbmuidmáilbmái». Dat sáhttet ovdamearkka dihte leat fáhkkaš garra dovddut dahje seksuálalaš dagut. Govvadásat dábálaš seksualitehtas mat eai leat nu fasttit dahje seksuálalaš govvadásat mánáid ja nuoraid eavttuid mielde, sáhttet oažžut 12 jagi ahkeráji. Rávis olbmuid dagut dahje oanehet soaigguselemeanttat eahperealisttalaš oktavuodas, sáhttet maiddái oažžut 12 jagi ahkeráji. Dát guoská ovdamearkka dihte filmmaide biddjon čielga fantasiijamáilbmái dahje filmmaide mat leat biddjon čielga somás rámmii. Maiddái govvadásat mat leat eanet duohtavuodá lahka sáhttet leat lobálaččat jus eai leat nu fasttit. Eanas roavva ságastallamat ja suohttasat sáhttet maiddái mearkkašit 12-jagirádji.

15

15-jagirádji

Filmmat main lea 15-jagirádji sáhttet sisttisoallat autenttalaš dahje goaves čilgehusaid veahkaválddis ja goddimis dahje sullasaš garra govvadásaid soađis, roasus dahje terrordaguin. Seamma guoská filmmaide main lea olu «actionveahkaváldi» dahje fasttes seksuálalaš govvadásat. Dasa lassin bohtet filmmat main lea balddihahtti miellalahki ja romes govvideamit illastemiin dahje fuolahusváillis.

18

18-ahkerádji

Filmmat main lea 18-ahkerádji lea earenoamáš veahkaválddalaš ja seksuálalaš sisdoallu, dahje geavahit earenoamáš garra váikkuhangaskaomiid. Dát sáhttet leat hui olu roavva, árpmiteahttun ja bienalaš veahkaváldedagut, dávjá ovttas earenoamáš balddihahtti ovdanbuktimiiguin. Filmmain mat leat viiddis, čielga ja fasttes seksuálalaš govvadásat ožžot 18-ahkerádji. Dát guoská maiddái veahkaválddi ja seksa govvadásaide lotnolasat.